



კომპიუტერების ქსელის კაბელების და ქსელის კომპონენტების
სახელმწიფო შესყიდვა,

გამარტივებული ელექტრონული ტენდერის

სატენდერო დოკუმენტაცია

კლასიფიკატორის (CPV) კოდი №32421000 - ქსელის კაბელები, 32422000 - ქსელის კომპონენტები;

თბილისი

2014 წელი

1. ინსტრუქცია გამარტივებულ ელექტრონული ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge> მიმწოდებლის სტატუსით. შემდეგ ვალდებული ხართ გაეცნოთ აფიდავიტის პირობებს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.3 1.2 პუნქტის გავლის შემდგომ, პრეტენდენტი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით (ელექტრონული გარანტიის მოქმედების მინიმალური ვადა - არანაკლებ 120 კალენდარული დღე სატენდერო წინადადებების წარდგენის დაწყების ეტაპიდან). ტენდერში მონაწილეობის საფასური შეადგენს 50 (ორმოცდაათი) ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.6 მას შემდეგ, რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.10 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12 ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს გონივრულ ვადას

ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია დებს მასთან სახელმწიფო შესყიდვების შესახებ ხელშეკრულებას.

1.19 პრეტენდენტის დისკვალიფიკაცია ხდება შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

დ) პრეტენდენტის მიერ არაკეთილსინდისიერი ქმედების განხორციელებისას.

1.20 ამ ინსტრუქციის 1.2 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

- ა) პრეტენდენტი უარს იტყვის თავის სატენდერო წინადადებაზე;
- ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;
- გ) პრეტენდენტი დისკვალიფიცირებულია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარეს 2011 წლის 7 აპრილის №9 ბრძანების მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად.

1.22 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.23 გამარტივებული ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.24 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე (შესყიდვის ობიექტის სპეციფიკური ტექნიკური აღწერილობა შესაძლებელია წარმოდგენილი იყოს ინგლისურ ენაზე).

1.25 დავის შემთხვევაში უცხოეთიდან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.26 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27 პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური მოთხოვნები, როგორც იურიდიული ასევე ფიზიკური პირებისათვის:

პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) პრეტენდენტის მიერ წარმოდგენილი უნდა იყოს: (იხ. დანართი №1) შემოთავაზებული საქონლის ძირითადი მახასიათებლები, მისაწოდებელი საქონლის მწარმოებლის დასახელება, საქონლის წარმოშობის ქვეყანა, საქონლის მიწოდების ვადები და საქონლის ერთეულის და საერთო ფასი (სატენდერო წინადადებაში ერთეულის და საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებული ტრანსპორტირების, სხვა ხარჯების და საქართველოს კანონმდებლობით გათვალისწინებული ყველა გადასახადის გათვალისწინებით).

ბ) 1- 11 პუნქტებში (იხილეთ ტექნიკურ პირობებში მოცემული ცხრილი) ჩამოთვლილი პროდუქცია უნდა იყოს ერთი და იგივე მწარმოებლის, რომელსაც უნდა გააჩნდეს შესაბამისი სტანდარტიზაციის საერთაშორისო ორგანიზაციის (ISO) სერთიფიკატ(ებ)ი - პრეტენდენტის მიერ წარმოდგენილი უნდა იყოს შესაბამისი სერთიფიკატ(ებ)ის ასლები:

გ) 12- 15 პუნქტებში (იხილეთ ტექნიკურ პირობებში მოცემული ცხრილი) ჩამოთვლილი პროდუქცია უნდა იყოს ერთი და იგივე მწარმოებლის, რომელსაც უნდა გააჩნდეს შესაბამისი სტანდარტიზაციის საერთაშორისო ორგანიზაციის (ISO) სერთიფიკატ(ებ)ი - პრეტენდენტის მიერ წარმოდგენილი უნდა იყოს შესაბამისი სერთიფიკატ(ებ)ის ასლები:

დ) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელის და საკონტაქტო პირის სახელი და გვარი.

3. საქონლის მიწოდების გრაფიკი და ტექნიკური პირობები

3.1 საქონლის მიწოდების ადგილია: ქ. თბილისი კოსტავას ქ. №68

3.2 საქონლის მიწოდების ვადაა: ხელშეკრულების გაფორმებიდან 45 (ორმოცდახუთი) დღე;

N	საქონლის დასახელება და ტექნიკური მახასიათებლები	განზომილებ ის ერთეული	რაოდენობა
1	გარე მონტაჟის პლასტმასის კოლოფი კომპიუტერული წერტილებისთვის - Wall mount box	ცალი	60
2	პლასტმასის კოლოფის ჰორიზონტალური ჩარჩო frame80x80 for adapter 50x50	ცალი	60
3	კოლოფში ჩასამონტაჟებელი ადაპტერი 2 ცალი კომპიუტერული მოდულის ჩასაყენებელი ადგილით	ცალი	60
4	დამხმობი მოდული კომპიუტერული წერტილებისთვის თეთრი ფერის Blank module - reserve space for Sockets, white	ცალი	10
5	ეკრანირებული მოდული STP Cat5E ტიპის Cat5E. მოდული უნდა აკმაყოფილებდეს ANSI/TIA-568-C.2 Category 5e, IEEE 802.3an-2006 მოთხოვნებს და ISO 11801 Class D channel და IEC 61156-5 Category 5e component სტანდარტებს. (საქონელი თავსებადი უნდა იყოს მე-3 პოზიციით განსაზღვრულ 2 კომპიუტერული მოდულის ჩასაყენებელ ადაპტერთან)	ცალი	40
6	ეკრანირებული მოდული STP Cat6A RJ45 ტიპის, 10 Gb/s გამტარუნარიანობით. მოდული უნდა აკმაყოფილებდეს ANSI/TIA-568-C.2 Category 6A, IEEE 802.3an-2006 მოთხოვნებს და ISO 11801 Class EA არხების და IEC 61156-5 Category 6A კომპონენტების სტანდარტებს. (საქონელი თავსებადი უნდა იყოს მე-3 და მე-7 პოზიციებით განსაზღვრულ ადაპტერთან და პაჩ პანელთან)	ცალი	160
7	მოდულური საკომუტაციო დაფა 24 პორტიანი უკან დამაგრებული კაბელ ორგანიზერით-Modular Patch panel frame with cable organiser 24 ports, 1RU	ცალი	4
8	დამხმობი მოდული მოდულური პატჩპანელისთვის შევი ფერის - Blank module - reserve space for Sockets, white	ცალი	20
9	ვერტიკალური კაბელ მენეჯერი, რომელიც კაბელის მოხრის კონტროლს უზრუნველყოფს. 44მმx19მმx77მმ ზომებით. 1RU	ცალი	4
10	ჰორიზონტალური კაბელ მენეჯერი 1RU, 44მმx483მმx94მმ ზომებით	ცალი	4
11	ეკრანირებული მოდულური ჯეკი RJ45 ტიპის, S/FTP ან U/FTP Cat6 კაბელისთვის. პროდუქტი უნდა აკმაყოფილებდეს შემდეგ მოთხოვნებსა და სპეციფიკაციებს: ANSI/TIA-968-A requirements, IEC 60603-7 specifications. აგრეთვე უნდა აკმაყოფილებდეს IEEE 802.3at და IEEE 802.3af მოთხოვნებს PoE აპლიკაციებისთვის. (საქონელი თავსებადი უნდა იყოს მე-14 პოზიციით განსაზღვრულ Cat 6A ტიპის ქსელი კაბელთან)	ცალი	200
12	1 მეტრი სიგრძის საკომუტაციო სადენი S/FTP Cat6A RJ45 ტიპის კონექტორებით ორივე ბოლოში, 10Gb/s გამტარუნარიანობით. პატჩკორდი უნდა აკმაყოფილებდეს ANSI/TIA-568-C.2 Category 6A, IEEE 802.3an-2006, ANSI/TIA-968-A მოთხოვნებს, არხების და კომპონენტების შესახებ ISO 11801 Class EA და ISO 11801 Class EA სტანდარტებსა და IEC 60603-7 სპეციფიკაციებს. (საქონელი თავსებადი უნდა იყოს მე-7 პოზიციით განსაზღვრულ პაჩ პანელთან)	ცალი	40
13	3 მეტრი სიგრძის საკომუტაციო სადენი S/FTP Cat6A RJ45 ტიპის კონექტორებით ორივე ბოლოში, 10Gb/s გამტარუნარიანობით. პატჩკორდი უნდა აკმაყოფილებდეს ANSI/TIA-568-C.2 Category 6A, IEEE 802.3an-2006, ANSI/TIA-968-A მოთხოვნებს, არხების და კომპონენტების შესახებ ISO 11801 Class EA და ISO 11801 Class EA სტანდარტებსა და IEC 60603-7 სპეციფიკაციებს. (საქონელი თავსებადი უნდა იყოს მე-7 პოზიციით განსაზღვრული პაჩ პანელთან)	ცალი	40

14	არაალეგბადი მასალისგან დამზადებული კომპიუტერული ქსელი კაბელი Cat 6A, U/FTP (LSZH), 4-pair, 23 AWG . კაბელი უნდა აკმაყოფილებდეს ANSI/TIA-568-C.2 Category 6A, IEEE 802.3an-2006 მოთხოვნებს და არხების შესახებ ISO 11801 Class EA და კომპონენტების შესახებ IEC 61156-5 Category 6A სტანდარტებს. (დაფასოება: 500 მეტრი კაბელი კოჭაზე.) technical information Electrical performance: Certified channel performance in a 4-connector configuration up to 100 meters and exceeds ISO 11801 Class EA and ANSI/TIA-568-C.2 Category 6A standards for supporting 10GBASE-T transmission over twisted-pair cabling systems and part of the TX6A™ 10Gig™ Copper Cabling System Conductors/ insulators: 23 AWG bare copper wire covered by polyethylene insulation Flame: IEC 61156-5 Installation tension: 100 N (25 lbf) maximum Temperature rating: 32°F to 122°F (0°C to 50°C) during installation -4°F to 140°F (-20°C to 60°C) during operation Cable jacket: Low Smoke Zero Halogen (LSZH) Cable diameter: 0.265 - 0.281 in. (6.76 - 7.20 mm) nominal Cable weight: 49 - 53 lbs./1640 ft. (22-24 kg/500m) 1640 ft. (500m) on a reel.	კოჭა	15* (თხუთმეტი კოჭის სიგრძე - 7 500 მეტრი)
15	კომპიუტერული ქსელის კაბელი FTP, Cat5E, (PVC) (305m). რომელიც უნდა აკმაყოფილებდეს ANSI/TIA-568-C.2 Category 5E მოთხოვნებსა და ISO 11801 2nd Edition Class D და IEC 61156-5 Category 5e სტანდარტებს. (დაფასოება: 305 მეტრი კაბელი კოჭა ან ყუთი.)	კოჭა/ყუთი	15* კოჭა/ყუთი (4575 მეტრი)
16	RJ45 ტიპის ჯეკების დასაპრესი მოწყობილობა "ჯეკმეიკერი" - Crimp tool for Modular Plugs.	ცალი	1
17	პოლიეთილენის მარკერები კაბელების და პატჩკორდების დასამარკირებლად (2500pc).	ცალი	1
18	ეკრანირებული მოდულური ჯეკი STP RJ45 ტიპის, Cat5E FTP კაბელისთვის. (საქონელი თავსებადი უნდა იყოს მე-14 პოზიციით განსაზღვრულ Cat 5E ტიპის ქსელი კაბელთან)	ცალი	2000

შენიშვნა:

* - ქსელის კაბელები შესაძლებელია დაფასოებული იყოს კოჭებზე, ყუთებში ან შეკვრებში (305 მ. 500 მ ან სხვა), ხოლო საქონლის მოწოდება უნდა განხორციელდეს შესაბამისი საერთო რაოდენობების გათვალისწინებით.

3.3 მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილზე ტრანსპორტირების პროცესში.

3.4 შემოთავაზებული საქონელი უნდა იყოს მაღალი ხარისხის რომელიც უნდა აკმაყოფილებდეს შესაბამის სტანდარტებს და ტექნიკურ ნორმებს.

3.5 1- 15 პუნქტებში ჩამოთვლილ პროდუქციაზე უნდა ვრცელდებოდეს **15 წლიანი მწარმოებლის გარანტია. საქონლის მიწოდების პარალელურად მიმწოდებელი ვალდებულია წარუდგინოს შემსყიდველს აღნიშნული გარანტიის დამადასტურებელი დოკუმენტი.**

3.6 1 - 11 პუნქტებში ჩამოთვლილი პროდუქცია უნდა იყოს ერთი და იგივე მწარმოებლის, რომელსაც უნდა გააჩნდეს შესაბამისი სტანდარტიზაციის საერთაშორისო ორგანიზაციის (ISO) სერთიფიკატ(ებ)ი (პრეტენდენტის მიერ წარმოდგენილი უნდა იყოს შესაბამისი სერთიფიკატ(ებ)ის ასლები)

3.7 12 - 15 პუნქტებში ჩამოთვლილი პროდუქცია უნდა იყოს ერთი და იგივე მწარმოებლის, რომელსაც უნდა გააჩნდეს შესაბამისი სტანდარტიზაციის საერთაშორისო ორგანიზაციის (ISO) სერთიფიკატ(ებ)ი (პრეტენდენტის მიერ წარმოდგენილი უნდა იყოს შესაბამისი სერთიფიკატ(ებ)ის ასლები)

3.8 შემსყიდველი საქონლის მიწოდების პარალელურად განახორციელებს საქონლის შემოწმებას, იმ შემთხვევაში თუ მიწოდებულ საქონელს შემოწმების პროცესში აღმოჩნდება გარკვეული ხარვეზები ან შემოწმებული საქონელი ვერ დააკმაყოფილებს ტექნიკურ მონაცემებს შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე.

3.9 მიწოდებული საქონლის ტექნიკური შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი წუნდებული საქონლის შეცვლა.

3.10 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება შემსყიდველის იურიდიულ მისამართზე, მიმწოდებელი ორგანიზაციის წარმომადგენლ(ებ)ის თანდასწრებით.

3.11 ანგარიშსწორება განხორციელდება საქონლის მიწოდების შემდეგ, მხარეთა შორის მიღება ჩაბარების აქტის გაფორმებიდან 10 (ათი) დღეში *(წინასწარი, საავანსო გადახდა გამარტივებულ ელექტრონულ ტენდერში არ გამოიყენება).*

3.12 სახელმწიფო შესყიდვის დაფინანსების წყაროა: სახელმწიფო ბიუჯეტი.

დანართი №1

პრეტენდენტის დასახელება _____; მისამართი _____ ტელ: _____; ელ. ფოსტა: _____ და საბანკო რეკვიზიტები _____;

ფასების ცხრილი

№	საქონლის დასახელება	საქონლის ძირითადი მახასიათებლები და მწარმოებელი	წარმოშობის ქვეყანა	რაოდენობა	ერთეულის ფასი	საერთო ღირებულება	მიწოდების ვადა
1	2	3	4	5	6	7	8

შენიშვნა: ფასების ცხრილის მე-2 ან მე-3 გრაფაში თითოეულ პოზიციის მიხედვით უნდა იყოს მითითებული საქონლის ძირითადი მახასიათებლები და მწარმოებელი

პრეტენდენტის ხელმოწერა _____

(თანამდებობა და ხელმოწერა)

4. სახელმწიფო შესყიდვების შესახებ ხელშეკრულების პროექტი

ქ. თბილისი

ხელშეკრულება N

2014 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

ერთი მხრივ სსიპ საზოგადოებრივი მაუწყებელი (შემდგომში „შემსყიდველი“) მისი გენერალური დირექტორის გიორგი ბარათაშვილის სახით და მეორეს მხრივ, _____ (შემდგომში „მიმწოდებელი“) მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა გამარტივებული ელექტრონული ტენდერი (SPA-----) კომპიუტერების ქსელის კაბელების და ქსელის კომპონენტების სახელმწიფო შესყიდვაზე (კლასიფიკატორის CPV კოდი №32421000 - ქსელის კაბელი, 32422000 - ქსელის კომპონენტები), რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება მიაწოდოს შემსყიდველს ხელშეკრულებით გათვალისწინებული საქონელი.

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;

გ) სატენდერო დოკუმენტაცია;

2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“ – ორგანიზაცია, რომელიც ახორციელებს შესყიდვას.

2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

3.1. კომპიუტერების ქსელის კაბელების და ქსელის კომპონენტების სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს _____ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

5.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ „საზოგადოებრივი მაუწყებლის“ სპეციალურად უფლებამოსილი თანამშრომელ(ებ)ი.

5.2 შემსყიდველი საქონლის მიწოდების პარალელურად განახორციელებს საქონლის შემოწმებას, იმ შემთხვევაში თუ მიწოდებულ საქონელს შემოწმების პროცესში აღმოჩნდება გარკვეული ხარვეზები ან შემოწმებული საქონელი ვერ დაკმაყოფილებს შესაბამის ტექნიკურ მონაცემებს, შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე.

5.3 მიწოდებული საქონლის ტექნიკური შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი წუნდებული საქონლის შეცვლა.

5.4 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება შემსყიდველის იურიდიულ მისამართზე, მიმწოდებელი ორგანიზაციის წარმომადგენლ(ებ)ის თანდასწრებით.

6. შეფუთვა

მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილზე ტრანსპორტირების პროცესში.

7. შესყიდვის ობიექტის მიღება-ჩაბარების წესი

7.1 საქონლის მიწოდება განხორციელდება, საქონლის მიწოდების გრაფიკისა და მიმწოდებლის მიერ წარმოდგენილი სატენდერო წინადადების შესაბამისად.

7.2 საქონლის მიწოდებას - ქ. თბილისში კოსტავას ქ. №68-ში, - უზრუნველყოფს მიმწოდებელი საკუთარი ხარჯებით (საქართველოს კანონმდებლობით გათვალისწინებული ყველა გადასახადისა და გადასახდელის, ასევე ყველა ხარჯის, რომელიც დაკავშირებულია საქონლის მიწოდებასთან, ჩათვლით).

7.3 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.4 მიღება-ჩაბარების აქტების გაფორმების პარალელურად მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7.5 მიღება-ჩაბარების აქტების გაფორმებაზე პასუხისმგებელ პირს წარმოადგენს წინამდებარე ხელშეკრულების სპეციფიკური პირობების 5.1 მუხლში აღნიშნული პირები.

7.6 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

8. გარანტია

8.1 მიმწოდებელი იღებს ვალდებულებას, რომ მიწოდებული საქონელის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

8.2 მიწოდებული საქონელის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

8.3 1- 15 პუნქტებში ჩამოთვლილ პროდუქციაზე უნდა ვრცელდებოდეს **15 წლიანი მწარმოებლის გარანტია. საქონლის მიწოდების პარალელურად მიმწოდებელი ვალდებულია წარუდგინოს შემსყიდველს აღნიშნული გარანტიის დამადასტურებელი დოკუმენტი.**

9. ანგარიშსწორება

9.1 ანგარიშსწორება მოხდება ლარებში;

9.2 გადახდის ფორმა - უნაღდო;

9.3 ანგარიშსწორება განხორციელდება საქონლის მიწოდების შემდეგ, მხარეთა შორის მიღება ჩაბარების აქტის გაფორმებიდან 10 (ათი) დღეში (*წინასწარი, საავანსო გადახდა გამარტივებულ ელექტრონულ ტენდერში არ გამოიყენება*).

9.4 სახელმწიფო შესყიდვის დაფინანსების წყაროა: **სახელმწიფო ბიუჯეტი.**

10. ფასები

10.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

ბ) ეროვნული ვალუტის კურსის ცვლილების შემთხვევაში (აშშ დოლართან მიმართებაში), აღნიშნული კურსის აბსოლუტური მნიშვნელობის 5 %-ით და მეტი ცვლილების შემთხვევაში (როგორც ზრდის, ასევე შემცირების შემთხვევაში).

10.2 ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

11. ფორს-მაჟორი

11.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

11.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა ურთიერთობა

12.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

12.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

13. ხელშეკრულების პირობების შეუსრულებლობა

13.1 ხელშეკრულების ნაკისრი ვალდებულების შეუსრულებლობის და/ან არაჯეროვანი შესრულების შემთხვევაში მიმწოდებელს ეკისრება პირგასამტეხლო, სახელშეკრულებო თანხის და/ან შეუსრულებელი ვალდებულების - 3 % ოდენობით, რომლის გადახდა მიმწოდებელმა უნდა უზრუნველყოს შემსყიდველის წერილობითი მოთხოვნის მიღებიდან 5 (ხუთი) დღის განმავლობაში.

13.2 ხელშეკრულებით ნაკისრი ვალდებულებების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 0,1 %-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის - 0.1 %-ს.

13.3 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

13.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

14. ხელშეკრულების შეწყვეტა

14.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

14.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის და/ან არაჯეროვანი შესრულების შემთხვევაში (მათ შორის ვადების დარღვევის შემთხვევაში), აგრეთვე იმ შემთხვევაში თუ მიწოდებული საქონლის ხარისხი არ დააკმაყოფილებს ხელშეკრულებით განსაზღვრულ პირობებს და შემსყიდველის მიერ წუნდებული საქონლის შესაცვლელად დამატებით განსაზღვრულ ვადაში არ მოხდება წუნდებული საქონლის შეცვლა შემსყიდველი უფლებამოსილია ცალმხრივად შეწყვიტოს ხელშეკრულება და გამოიყენოს წინამდებარე ხელშეკრულებით გათვალისწინებული საჯარიმო სანქციები მოქმედი კანონმდებლობის შესაბამისად.

14.3 ხელშეკრულების დამდები მხარე, რომელიც მიიღებს 13.1 და 13.2 პუნქტებით გათვალისწინებულ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

14.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

14.5 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.

15. გადასახადები და ბაჟები

მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის გადახდაზე, რომლებიც გადასახდელია საქართველოს ფარგლებში

16. დამატებითი პირობები

16.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

16.3. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლარად, თითო ყოველი მხარისთვის.

17. მხარეთა რეკვიზიტები:

“შემსყიდველი“

“მიმწოდებელი“

მისამართი: ქ. თბილისი; კოსტავას ქ. №68

საიდენტიფიკაციო კოდი: 204 858 163

საბანკო რეკვიზიტები:

სახელმწიფო ხაზინა

ანგარიშის № 200 122 900

ბანკის კოდი: TRESGE22

გენერალური დირექტორი

გიორგი ბარათაშვილი